

## Varia



Oleh NORAINNA HAMZAH

**W**ALAUPUN dianggap sedikit 'kejam', trek dengan kecondongan 80 hingga 90 derajat bagi pendakian

Gunung Datuk di daerah beradat ini tetap menjadi tumpuan penggemar aktiviti pendakian.

Gunung Datuk merupakan puncak tertinggi di daerah Rembau, Negeri Sembilan dengan ketinggian 884 meter dari aras laut, menjadi lokasi riadah bagi mereka yang gemar aktiviti mendaki.

Tidak kurang juga ada yang menjadikan laluan ini sebagai lokasi latihan pada setiap minggu sebelum menawar puncak tertinggi di Asia Tenggara, Gunung Kinabalu dan juga gunung tertinggi di dunia, Everest.

Mengambil masa sekitar dua hingga tiga jam untuk sampai ke puncak, kebanyakannya orang gemar mendaki pada awal pagi untuk melihat matahari terbit.

Antara cabaran di trek gunung ini adalah mendaki dieleah batu-batu besar, selain bongkah batu besar yang perlu ditempuh sebelum sampai ke puncak.

Sekiranya cuaca baik, pendaki boleh melihat kapal belayar di Selat Melaka dari puncak gunung berkeraan.

Di samping itu, Gunung Datuk turut menyimpan 1,001 kisah sejarah kerana di atas batu puncaknya dikatakan terdapat kesan tapak kaki Laksamana Hang Tuah.

Menurut Pengarah Jabatan Perhutanan Negeri Sembilan, Saleh Awaludin, sehingga 18 Oktober lalu, seramai 4,230 pengunjung dicatatkan mendaki Gunung Datuk bagi tahun ini.

"Jumlah pendaki yang agak rendah itu disebabkan pada tahun ini, Hutan Simpan Kekal Gunung Datuk ditutup bagi sebarang aktiviti pendakian susulan pelaksanaan Perintah Kawalan Pergerakan (PKP).

"Namun, sebaik sahaja diberikan kelonggaran bagi aktiviti pendakian, pada bulan Ogos sahaja seramai 430 individu

# Trek 'kejam' Gunung Datuk tarikan pendaki




PANORAMA indah luas terbentang dengan kehijauan alam sayup mata memandang menanti pendaki yang berjaya sampai di puncak Gunung Datuk.



Bagi mereka yang gemar kepada pendakian ekstrem boleh melanjutkan pendakian melalui trek Trans Naning yang menghubungkan dua lagi gunung iaitu Gunung Datuk dan Gunung Gagak."

telah mula mendaki Gunung Datuk.

"Jumlah itu semakin bertambah pada September iaitu seramai 2,300 pendaki direkodkan dan pada 18 Oktober, seramai 1,500 orang berbuat demikian," katanya baru-baru ini.



BONGKAH batu besar perlu ditempuh pendaki untuk sampai ke puncak Gunung Datuk.



CABARAN melepas bongkah batu di pertengahan pendakian dirindui setiap pendaki tegar yang pernah ke sana.



PENGUNJUNG diminta bersama-sama menjaga kelindahan Gunung Datuk dengan menjaga kebersihan.

Saleh berkata, gunung itu sering menjadi tumpuan penggemar aktiviti pendakian kerana pemandangan 360 derjah kawasan hutan dan perkampungan yang cukup cantik sekiranya pendaki berada di puncak.

Lebih menarik menurutnya, bagi mereka yang gemar kepada pendakian ekstrem, boleh melanjutkan pendakian melalui trek Trans Naning yang menghubungkan dua lagi gunung iaitu Gunung Rembau dan Gunung Gagak.

"Lokasi gunung ini yang strategik berhampiran Lembah Klang dan Melaka menjadikannya antara lokasi popular dikunjungi pendaki dari luar Negeri Sembilan.

Menurutnya, melihat potensi yang ada pada Gunung Datuk, pihaknya ada

membuat beberapa perancangan untuk menaik taraf beberapa kemudahan di situ pada tahun hadapan.

"Bagaimanapun, ia masih di peringkat permohonan peruntukan melibatkan naik taraf kemudahan seperti chalet, trek pendakian serta menambah kapasiti tapak parkir.

"Kita juga merancang untuk membina tarikan baharu iaitu jambatan gantung," katanya.

Pendaki dinasihatkan untuk bersama-sama menjaga keindahan serta kecantikan Gunung Datuk.

"Selain mendapatkan permit masuk ke hutan dan mematuhi prosedur operasi standard, pendaki juga dinasihatkan menjaga kebersihan dan membawa keluar sampah sendiri," katanya.